



# basic education

Department:  
Basic Education  
**REPUBLIC OF SOUTH AFRICA**

## **NASIONALE SENIOR SERTIFIKAAT**

**GRAAD 12**

**EKONOMIE V1  
NASIENRIGLYNE  
NOVEMBER 2023**

**PUNTE: 150**

**TYD: 2 uur**

**Hierdie nasienriglyne bestaan uit 25 bladsye.**

**AFDELING A (VERPLIGTEND)****VRAAG 1****1.1 MEERVOUDIGE KEUSEVRAE**

- 1.1.1 A – revaluasie ✓✓
- 1.1.2 C – Jugler ✓✓
- 1.1.3 B – Laffer ✓✓
- 1.1.4 A – 0,4 ✓✓
- 1.1.5 D – kwota ✓✓
- 1.1.6 B – Versnelde en Gedeelde Groei-inisiatief vir Suid-Afrika ✓✓
- 1.1.7 D – Nasionale Nywerheidsbeleidsraamwerk. ✓✓
- 1.1.8 C – verstedeliking ✓✓ (8 x 2) (16)

**1.2 PAS ITEMS**

- 1.2.1 H – gedeelte van huishoudings se besteding wat onafhanklik van die vlak van inkomste is ✓
- 1.2.2 G – handhaaf die siening dat markte inherent stabiel is ✓
- 1.2.3 F – die vereiste om 'n verduideliking van jou eie besluite en optredes te gee ✓
- 1.2.4 B – wanneer 'n organisasie of 'n land vrygestel word van sy verpligting om 'n lening terug te betaal ✓
- 1.2.5 C – samewerking tussen lande om gemeenskaplike monetêre en fiskale beleide aan te neem ✓
- 1.2.6 I – die proses van toevoeging van nuwe bates, soos masjinerie en toerusting, tot die bestaande voorraad ✓
- 1.2.7 D – fokus op die gebruik van wetenskap en tegnologie om industrialisasie te bevorder ✓
- 1.2.8 A – 'n ekonomiese aanwyser wat met die lewenskoste verband hou ✓ (8 x 1) (8)

**1.3 GEE DIE TERM**

1.3.1 Lekkasies ✓

1.3.2 Saamgestelde aanwysers ✓

1.3.3 Beheerde swewende ✓

1.3.4 Ekonomiese groei ✓

1.3.5 Vervaardiging ✓

1.3.6 Prima-koers ✓

(6 x 1) (6)

**TOTAAL AFDELING A: 30**

**AFDELING B**

**Beantwoord enige TWEE van die drie vrae in hierdie afdeling in die ANTWOORDEBOEK.**

**VRAAG 2: MAKRO-EKONOMIE****40 PUNTE – 30 MINUTE****2.1 Beantwoord die volgende vrae.****2.1.1 Noem enige TWEE produksiefaktore.**

- Arbeid/Menslike hulpbronne ✓
- Kapitaal ✓
- Land/Grond/Natuurlike hulpbronne ✓
- Entrepreneurskap ✓

(2 x 1) (2)

**2.1.2 Waarom is die inflasiekoers gedurende die voorspoedfase van 'n sakesiklus hoog?**

- Vraag is baie hoog in verhouding tot die aanbod van goedere en dienste wat hoër pryse tot gevolg het ✓✓
- Die hoeveelheid geld in omloop is baie hoog wat daartoe lei dat te veel geld te min goedere najaag ✓✓

(Aanvaar enige ander korrekte relevante antwoord) (1 x 2) (2)

**2.2 DATARESPONS****2.2.1 Identifiseer die jaar waarin Suid-Afrika die hoogste waarde van uitvoere aangeteken het.**

2021 ✓

(1)

**2.2.2 Noem die rekening in die betalingsbalans (BB) wat lopende portefeulje-investering aanteken.**

Finansiële rekening ✓

(1)

**2.2.3 Beskryf kortliks die term *handelsbalans*.**

Die verskil tussen sigbare (tasbare) uitvoere en sigbare (tasbare) invoere / Dit word bereken as goedere-uitvoere plus netto gouduitvoere minus goedere-invoere. ✓✓

(Aanvaar enige ander korrekte relevante antwoord) (2)

**2.2.4 Verduidelik die impak van elektrisiteitstekorte op uitvoervolumes in Suid-Afrika.**

- Uitvoervolumes sal afneem namate produksie van goedere en dienste gedurende kragonderbrekings ontwig word ✓✓
  - Sommige besighede kan besluit om te disinvesteer of uit die ekonomie te onttrek wat lei tot minder besighede wat goedere en dienste produseer en uitvoer sal afneem
  - Besighede kan gedwing word om alternatiewe bronne van energie te installeer wat lei tot hoër pryse vir Suid-Afrikaanse uitvoere en sodoende die vraag na uitvoermark verminder
- (Aanvaar enige ander korrekte relevante antwoord) (2)

**2.2.5 Hoe kan die Suid-Afrikaanse Reserwebank (SARB) betalingsbalanstekorte verminder?**

- Die SARB mag die repokoers verhoog om verbruiksbesteding te ontmoedig, insluitend op invoere wat die saldo op die lopende rekening sal vermeerder ✓✓
- 'n Styging in die repokoers lok kapitaalinvloei aangesien buitelandse beleggers voordeel trek uit hoër rentekoerse in die land wat die saldo op finansiële rekening sal verhoog ✓✓
- Die SARB kan buitelandse valuta beheer deur uitvoerders te verplig om buitelandse valuta aan die reserwebank te oorhandig, wat help om invoer te verminder ✓✓
- Invoerders wat buitelandse valuta benodig, moet by die reserwebank daarvoor aansoek doen wat invoere kan ontmoedig ✓✓
- Beïnvloed depresiasie van die rand, deur buitelandse valuta in markte te koop, om invoere te ontmoedig en uitvoere te bevorder ✓✓
- Die SARB mag staatseffekte op ope mark verkoop om geldvoorraad en besteding aan invoere te verminder ✓✓
- Verhoog die kontantreserwesvereistes om kredietskepping te verminder wat help om besteding aan invoere te verminder ✓✓
- Onderhandel met handelsbanke om strenger te wees wanneer krediet verleen word om besteding aan invoere te ontmoedig ✓✓

(Aanvaar enige ander korrekte relevante antwoord) (2 x 2) (4)

## 2.3 DATARESPONS

2.3.1 **Identifiseer in die tabel hierbo die metode wat gebruik word om bruto binnelandse produk (BBP) te bereken.**

Inkomemetode/BBP(I)✓ (1)

2.3.2 **Gee EEN voorbeeld van belasting op produkte.**

- Belasting op Toegevoegde Waarde/ BTW ✓
  - Aksynsbelasting (-reg) bv. sondebelasting, koolstofbelasting, suikerbelasting, brandstofheffing✓
  - Invoerregte / Doeaneregte / Invoertariewe ✓
- (Aanvaar enige ander korrekte relevante antwoord) (1)

2.3.3 **Beskryf kortliks die term *subsidie op produksie*.**

Finansiële bystand of ondersteuning deur die regering om produksiekoste te verminder of produksie van sekere produkte aan te moedig of vergoeding van die produksiefaktore te beïnvloed✓✓  
(Aanvaar enige ander korrekte relevante antwoord) (4)

2.3.4 **Waarom is dit vir 'n land belangrik om nasionale rekeningetotale voor te berei?**

- Om die vlak van ekonomiese aktiwiteite te bepaal deur die waarde van reële BBP in 'n land te meet✓✓
  - Om ekonomiese groei te meet deur reële BBP-syfers vir die huidige periode met die vorige te vergelyk✓✓
  - Om die lewensstandaard te meet deur die vlak van reële BBP per capita te bepaal✓✓
  - Om die vlakke van welvaart tussen lande te vergelyk ✓✓
- (Aanvaar enige ander korrekte relevante antwoord) (4)

2.3.5 **Bereken die bruto waarde toegevoeg (BWT) teen basiese pryse (A) in die tabel hierbo. Toon alle berekeninge.**

BWT teen basiese pryse (A) = 5 453✓ + 132✓ - 12✓  
= R5 573 bn ✓ (4)

## 2.4 **Verduidelik kortliks *spesialisasie* en *massaproduksie* as uitwerkings (effekte) van internasionale handel.**

### **Spesialisasie**

- Spesialisasie verhoog die lewenstandaard, veral wanneer die gebied van spesialisasie in groot aanvraag is as gevolg van 'n tekort aan aanbod ✓✓
- Angola het olieneerslae en kan in olieproduksie spesialiseer terwyl Mosambiek geen olieneerslae het nie en nie in olie kan spesialiseer nie ✓✓
- Lande wat spesialiseer in die produksie van 'n spesifieke produk sal die mees mededingende pryse hê (kan teen 'n laer koste produseer) ✓✓
- China het 'n mededingende voordeel in die vervaardiging van tekstiel ontwikkel en hulle produseer hoë-gehalte produkte teen vergelykende lae pryse ✓✓
- Lande wat spesialiseer in die produksie van goedere en dienste wat 'n onelastiese vraag het soos olie, verdien groot hoeveelhede uitvoerinkomste ✓✓
- Internasionale handel kan 'n negatiewe impak op sommige industrieë en op mense in ander lande hê ✓✓
- Suid-Afrikaanse tekstielprodusente kan nie met Chinese produsente meeding nie en moes toemaak (sluit), wat veroorsaak dat baie werkers hul werk verloor het ✓✓

(Aanvaar enige ander korrekte relevante antwoord)

(2 x 2)

### **Massaproduksie**

- Massaproduksie word moontlik as die buitelandse vraag by die binnelandse vraag gevoeg word ✓✓
- Grootskaalse produksie lei tot die aanwending (indiensneming) van meer plaaslike produksiefaktore, wat die lewensstandaard verbeter ✓✓
- Massaproduksie bevorder skaalvoordele namate die eenheidskoste van produksie afneem wat verbruikers in staat stel om laer pryse te betaal ✓✓
- Wanneer die produsent se gemiddelde koste daal, sal dit hul winsgewendheid verhoog ✓✓
- Massaproduksie verseker dat produsente hul mededingende voordeel op wêreldmarkte kan maksimaliseer ✓✓
- Massaproduksie kan storting bevorder wat as onregverdige mededinging teenoor ander lande beskou kan word ✓✓
- Massaproduksie kan lei tot oorbenutting van natuurlike hulpbronne wat omgewingsvolhoubaarheid bedreig ✓✓

(Aanvaar enige ander korrekte relevante antwoord)

(2 x 2)

**(Ken 'n maksimum van 4 punte toe vir 'n blote lys van feite/voorbeelde)**

(8)

**2.5 Hoe kan sakesiklusse die gebruik van fiskale beleid in die ekonomie beïnvloed?****Gedurende 'n afswaai kan fiskale veranderinge soos volg beïnvloed word:**

- Die owerheid implementeer uitbreidende fiskale beleid om ekonomiese aktiwiteite te stimuleer en hoë werkloosheid te vermy ✓✓
- Persoonlike inkomstebelastingkoerse mag verlaag word om huishoudings se besteebare inkomste te verhoog en verbruiksbesteding te stimuleer ✓✓
- Maatskappybelasting kan verlaag word om winsvooruitsigte van besighede te verhoog wat hulle sal aanmoedig om meer goedere en dienste te produseer ✓✓
- Indirekte belasting soos BTW kan verminder word om besteding aan te moedig en sodoende produksie van goedere en dienste te verhoog
- Die owerheid kan sy besteding op infrastruktuurontwikkeling verhoog wat die vraag na en produksie van kapitaalgoedere sal laat toeneem ✓✓
- Die owerheid kan welsynsbesteding soos maatskapliketoelaes verhoog wat verbruikersbesteding sal stimuleer ✓✓
- Die owerheid kan meer subsidies en aansporings verskaf om produksie van goedere en dienste aan te moedig ✓✓

**Gedurende 'n opswaai kan fiskale veranderinge soos volg beïnvloed word:**

- Tydens 'n voorspoedfase implementeer die owerheid inkrimpende (beperkende) fiskale beleid om die ekonomie te demp en hoë inflasie te vermy ✓✓
- Persoonlike inkomstebelastingkoerse kan styg om huishoudings se besteebare inkomste te verminder en sodoende oortollige vraag te verminder ✓✓
- Verhoging in indirekte belasting soos BTW kan pryse van goedere en dienste laat styg wat sal help om totale vraag te verlaag ✓✓
- Die owerheid kan sommige infrastruktuurontwikkelingsprojekte uitstel of kanselleer wat die vraag vir kapitaalgoedere sal laat afneem ✓✓
- Die owerheid mag welsynsbesteding soos maatskaplike toelaes verminder wat oormatige vraag in die ekonomie sal laat afneem ✓✓

(Aanvaar enige ander korrekte relevante antwoord) (4 x 2)

**(Ken 'n maksimum van 2 punte toe vir 'n blote lys van feite/voorbeelde**

**(8)  
[40]**



**VRAAG 3: EKONOMIESE STREWES****40 PUNTE – 30 MINUTE****3.1 Beantwoord die volgende vrae.**

**3.1.1 Gee enige TWEE voorbeelde van basiese dienste wat deur die owerheid verskaf word.**

- Elektrisiteit ✓
- Watervoorsiening ✓
- Afvalverwydering/vullisverwydering ✓
- Sanitasie ✓

(Aanvaar enige ander korrekte relevante antwoord) (2 x 1) (2)

**3.1.2 Hoe kan die Geïntegreerde Vervaardigingstrategie (GVS) industrialisasie in Suid-Afrika bevorder?**

- GVS fokus op die verbetering van die mededingendheid van vervaardigingsondernemings deur die verbetering van infrastruktuur dienste soos energie, kommunikasie en vervoer ✓✓
- Die strategie het ten doel om oorkruiskwessies te verbeter deur 'n reeks faktore soos tegnologie, innovasie en menslike hulpbronne te ondersoek ✓✓
- Toegang tot finansiering word verbeter deur die voorsiening van befondsing vir die ontwikkeling van nywerhede ✓✓
- GVS behels die opgradering van menslike hulpbronne deur vaardighedsontwikkelingsprogramme om arbeidsproduktiwiteit en die kwaliteit van goedere en dienste te verbeter ✓✓

(Aanvaar enige ander korrekte relevante antwoord) (2 x 1) (2)

**3.2 DATARESPONS**

**3.2.1 Identifiseer 'n regstellende beleid wat daarna streef om onbillike diskriminasie in Suid-Afrikaanse werkplekke te verwyder.**

Wet op Gelyke Indiensneming ✓ (1)

**3.2.2 Noem EEN maatreeël wat gebruik word om die doeltreffendheid van markte te verbeter.**

- Deregulering ✓
- Mededinging ✓

(Aanvaar enige ander korrekte relevante antwoord) (1)

**3.2.3 Beskryf kortliks die term *ekonomiese ontwikkeling*.**

Die verbetering in die lewenstandaard van 'n land se bevolking oor 'n periode van tyd. ✓✓

(Aanvaar enige ander korrekte relevante antwoord) (2)

3.2.4 **Hoe kan die owerheid belasting gebruik om besigheidsdoeltreffendheid te bevorder?**

- Verminder maatskappy-inkomstebelasting om die winsvooruitsigte van besighede te verhoog wat hulle sal aanmoedig om in meer doeltreffende produksietegnieke te belê ✓✓
- Die owerheid kan belastingvrystellings aan nuutgestigte besighede verskaf wat hul bedryfskoste sal verminder, hulle sal help om uit te brei en meer mededingend te word ✓✓

(Aanvaar enige ander korrekte relevante antwoord)

(2)

3.2.5 **Verduidelik die uitdagings in die implementering van Breëbasis-Swart Ekonomiese Bemagtiging (BBSEB).**

- Sommige besighede in swart besit het nie genoeg kapitaal om groot projekte te implementeer nie wat hul vermoë beperk om kontrakte van veral die owerheid te kry ✓✓
- Korrupsie in die vorm van omkoopgeld en nepotisme lei daartoe dat min mense by Swart Ekonomiese Bemagtiging baat vind ✓✓
- Sommige maatskappye wat nie aan SEB voldoen nie, het voordeel getrek uit swart ekonomiese bemagtigingsprogramme as gevolg van fronting ✓✓
- Meeste swart mense het nie geld om aandele te koop nie wat die eienaarskap van groot maatskappye deur swart mense beperk ✓✓
- Baie swart mense het nie vaardighede en ondervinding om senior bestuursposisies in groot maatskappye te beklee nie ✓✓

(Aanvaar enige ander korrekte relevante antwoord)

(2 x 2)

(4)

3.3 **DATARESPONS**

3.3.1 **Identifiseer EEN voordeel van buitelandse direkte investering vir die ekonomie.**

- Werkskepping ✓
- Ekonomiese groei ✓

(1)

3.3.2 **Noem die finansiële aansporing deur die owerheid verskaf om nuwe buitelandse investering na Suid-Afrika te lok.**

Buitelandse Investerings-toelae (BIT)/Buitelandse Beleggings-aansporing ✓

(1)

3.3.3 **Beskryf kortliks die term *nywerheidsontwikkeling*.**

Die implementering van beleide om die vestiging (oprigting) van nuwe nywerhede en uitbreiding van bestaande nywerhede te bevorder ✓✓

(Aanvaar enige ander korrekte relevante antwoord)

(2)

### 3.3.4 **Waarom is die vervaardigingsektor belangrik vir die ekonomie?**

- Die vervaardigingsektor is arbeidsintensief wat die ekonomie help om baie werkseleenthede te skep en werkloosheid te verminder ✓✓
- Verwerk grondstowwe tot voltooide goedere wat teen hoër pryse uitgevoer kan word en meer inkomste vir die ekonomie genereer ✓✓
- Vervaardiging lok meer buitelandse direkte investering wat help om die belastingbasis vir die owerheid uit te brei en tot die BBP by te dra ✓✓
- Die sektor dra by tot ekonomiese groei wat verbruikers in staat stel om 'n verskeidenheid goedere en dienste te hê wat menslike behoeftes sal bevredig ✓✓

(Aanvaar enige ander korrekte relevante antwoord)

(2)

### 3.3.5 **Verduidelik die faktore wat die sukses van nywerheidsontwikkelingsones (NOS) in Suid-Afrika negatief mag beïnvloed.**

- Politieke, industriële en sosiale onstabiliteit soos nywerheidsaksies en gemeenskapsbetogings kan 'n negatiewe sentiment jeens Suid-Afrika skep en sodoende beleggers se vertroue verminder ✓✓
- Elektrisiteitstekorte ontwig produksie deur die landwye kragonderbrekings (beurtkrag) wat potensiële beleggings in nywerheidsontwikkelingsones kan ontmoedig ✓✓
- Depresiasie van die rand kan die koste van ingevoerde produksie-insette soos olie (petroleum) en halfvoltooide materiaal laat styg en sodoende nuwe beleggings ontmoedig ✓✓
- Hoë inflasiekoers kan die vraag vir Suid-Afrikaanse uitvoere verminder wat produksie van uitvoere in Nywerheidsontwikkelingsones kan ontmoedig ✓✓
- Gebrek aan geskoolde arbeid kan beleggers ontmoedig aangesien dit sal lei tot lae produktiwiteit, swak kwaliteit produkte en hoë gemiddelde koste van produksie ✓✓
- Afgradering van die Suid-Afrikaanse owerheid se kredietgradering kan 'n negatiewe sentiment skep en sodoende potensiële beleggings ontmoedig ✓✓
- Eksterne faktore soos stygende kommoditeitspryse en ontwigting in skeepsoetes kan 'n impak hê op die vraag na goedere wat in NOS geproduseer word

(Aanvaar enige ander korrekte relevante antwoord)

(2 x 2)

(4)

3.4 **Bespreek kortliks die *ruilvoet* en die *wisselkoers* as ekonomiese aanwysers wat met buitelandse handel verband hou.**

**Ruilvoet**

- Ruilvoet meet die verhouding van uitvoerprysindeks teen invoerprysindeks ✓✓
- Veranderinge in die ruilvoet dien as 'n aanwyser van veranderinge wat oorspoel-effekte op die betalingsbalans en die waarde van die plaaslike geldeenheid kan veroorsaak ✓✓
- 'n Verbetering in die ruilvoet word veroorsaak deur 'n daling in invoerpryse en 'n styging in uitvoerpryse ✓✓
- Die ekonomie sal minder bestee vir dieselfde hoeveelhede invoere as die ruilvoet toe neem ✓✓
- 'n Verswakking in die ruilvoet word veroorsaak deur 'n styging in invoerpryse en 'n daling in uitvoerpryse ✓✓
- 'n Groter volume van uitvoer sal dalk geproduseer moet word om uitvoerverdienste te handhaaf, indien die ruilvoet daal ✓✓

(Aanvaar enige ander korrekte relevante antwoord)

(2 x 2)

**Wisselkoers:**

- Wisselkoers meet die waarde van 'n land se geldeenheid in terme van 'n ander land ✓✓
- Meeste lande het talle wisselkoerse, wat beteken dat die rand teen die VS dollar kan depresieer maar teen die Chinese joean appresieer ✓✓
- Veranderinge in 'n wisselkoers beïnvloed die pryse vir invoere en uitvoerverdienste ✓✓
- Depresiasie van die rand teenoor die dollar sal daartoe lei dat VS se goedere en dienste vir Suid-Afrika duurder word ✓✓
- Appresiasie van die rand teenoor die VS dollar sal Suid-Afrika se uitvoer na die VSA duurder maak en sodoende die vraag laat afneem ✓✓

(Aanvaar enige ander korrekte relevante antwoord)

(2 x 2)

**('n Maksimum van 4 punte mag vir blote opnoem van feite/voorbeelde toegeken word)**

(8)

3.5 **Ontleed die impak van lae ekonomiese groei op die Suid-Afrikaanse ekonomie.**

**Lae ekonomiese groei het die volgende impak op die Suid-Afrikaanse ekonomie:**

- Suid-Afrika se werkloosheidskoers sal afneem as gevolg van die afname in produksie van goedere en dienste ✓✓
- Huishoudings se inkomstevlakke sal afneem wat tot lae verbruiksbesteding en besparings lei ✓✓
- Die ekonomie sal misluk om direkte investering te lok wat tot verminderde werksgeleenthede bydra ✓✓
- Uitvoerverdienste sal afneem wat bydra tot die depresiasie van plaaslike geldeenheid en afname in handelsbalans ✓✓
- Belastinginkomste vir die owerheid sal verminder wat die kapasiteit van die owerheid verminder om openbare projekte soos infrastruktuur ontwikkeling te implementeer ✓✓
- Baie mense verloor hul werk wat die fiskale las vir die owerheid verhoog in terme van welsynuitgawes soos maatskaplike toelaes ✓✓
- Staatskuld sal toeneem namate die owerheid meer fondse van internasionale organisasies leen en ander owerhede om hul besteding (uitgawes) te finansier ✓✓
- Lae staatsfinansies sal die owerheid se vermoë beperk om hul beleggings in sosio-ekonomiese dienslewering soos elektrisiteit- en watervoorsiening te verhoog ✓✓
- Inflasiekoerse kan styg as gevolg van die afname in die aanbod van goedere en dienste ✓✓

(Aanvaar enige ander korrekte relevante antwoord)

(4 x 2)

**(’n Maksimum van 2 punte mag vir blote opnoem van feite/voorbeelde toegeken word)**

(8)  
[40]

**VRAAG 4: MAKRO-EKONOMIE EN EKONOMIESE STREWES****40 PUNTE – 30 MINUTE****4.1 Beantwoord die volgende vrae.****4.1.1 Noem enige TWEE eienskappe van lande in die Suide.**

- Lae lewensstandaard/hoë armoede vlakke ✓
- Lae per-capita inkomste ✓
- Hoë koers van werkloosheid ✓
- Lae lewensverwagtinge ✓
- Lae geletterdheidsvlakke/swak onderwys ✓
- Lae ekonomiese groei/lae produksievlakke ✓
- Gebrekkige infrastruktuur ✓
- Hoë bevolkingsgroei en afhanklikheidslas ✓
- Hoë afhanklikheid van primêre sektor ✓

(Aanvaar enige ander korrekte relevante antwoord) (2 x 1) (2)

**4.1.2 Hoe kan 'n toename in die bevolking se inkomstevlakke die vraag na invoere beïnvloed?**

Toename in die bevolking se inkomstevlakke lei tot 'n toename in vraag vir ingevoerde goedere en dienste veral wanneer binnelandse aanbod onvoldoende is / Toename in die bevolking se inkomstevlak laat plaaslike verbruikers toe om luukse produkte te bekostig wat normaalweg van ontwikkelde lande ingevoer word ✓✓

(Aanvaar enige ander korrekte relevante antwoord) (1 x 2) (2)

**4.2 DATARESPONS****4.2.1 Identifiseer die oorspronklike ewewigspunt in die grafiek hierbo.**

e ✓ (1)

**4.2.2 Noem EEN instrument van die monetêre beleid.**

- Rentekoerse/repokoers/terugkoopkoers ✓
- Kontantreserwevereistes ✓
- Opemarktransaksies ✓✓
- Morele oorreding ✓
- Wisselkoersbeleid ✓

(1)

**4.2.3 Beskryf kortliks die term *sakesiklus*.**

Opeenvolgende periodes van toenemende en afnemende ekonomiese aktiwiteit/Herhalende patrone van ekonomiese uitbreiding en inkrimping in 'n land ✓✓

(Aanvaar enige ander korrekte relevante antwoord) (2)

#### 4.2.4 **Hoe kan mededinging totale aanbod stimuleer?**

- Mededinging laat die ontstaan van nuwe besighede in verskeie bedrywe toe wat die produksie van goedere en dienste sal verhoog en totale aanbod stimuleer ✓✓
- Mededinging moedig bestaande besighede aan om meer doeltreffende produksiemetodes te gebruik wat produktiwiteit verhoog en totale aanbod sal stimuleer ✓✓

(Aanvaar enige ander korrekte relevante antwoord)

(2)

#### 4.2.5 **Verduidelik die effek van vraagkant- en aanbodkantbeleide op die algemene prysvlak en reële uitset, met verwysing na die grafiek hierbo.**

- Implementering van vraagkantbeleide om ekonomiese groei te stimuleer sal die vraagkurwe van  $TV$  na  $TV_1$  verskuif terwyl totale aanbod konstant bly ✓✓
- 'n Nuwe ewewig sal by punt  $e_1$  gevorm word waar hoër uitsette  $H_1$  geproduseer word, maar die algemene prysvlak van  $P$  na  $P_1$  sal styg ✓✓
- 'n Nuwe ewewig sal gevorm word by punt  $e_2$  waar hoër uitsette  $H_2$  geproduseer word teen dieselfde prysvlak  $P$  ✓✓
- Implementering van aanbodkantbeleide om hoër totale vraag aan te vul, sal die totale aanbodkromme van  $TA$  na  $TA_1$  verskuif
- 'n Nuwe ewewig sal by punt  $e_2$  gevorm word, waar hoër uitset  $H_2$  geproduseer word teen 'n laer algemene prysvlak  $P$

(Aanvaar enige ander korrekte relevante antwoord)

(2 x 2)

(4)

### 4.3 **DATARESPONS**

#### 4.3.1 **Identifiseer die bevolkingspersentasie van vroue in die ouderdomsgroep 30 tot 34 jaar.**

4,7% ✓

(1)

#### 4.3.2 **Gee 'n ekonomiese term wat verwys na die bevolkingsouderdomsgroep 15 tot 65 jaar.**

Ekonomiese aktiewe bevolking (EAB) / Ekonomiese bedrywige bevolking/ Arbeidsmag ✓

(1)

#### 4.3.3 **Beskryf kortliks die term *lewensverwagting*.**

Die aantal jare wat 'n pasgebore ver wag word om te leef ✓✓  
(Aanvaar enige ander korrekte relevante antwoord)

(2)

#### 4.3.4 **Verduidelik die impak van wanvoeding op die kindersterftesyfer.**

Wanvoeding kan kindersterftesyfer verhoog as gevolg van verhoogde gesondheidsrisiko's onder die kinders ✓✓  
(Aanvaar enige ander korrekte relevante antwoord)

(2)

#### 4.3.5 **Waarom is die bevolkingsgrootte belangrik vir besighede en/of die owerheid?**

- Bevolkingsgrootte help die regering om op sy infrastruktuurprojekte soos water, energie en padkonstruksie te beplan ✓✓
- Die owerheid mag die bevolkingsgrootte gebruik om die fondse te bepaal wat nodig is om maatskaplike programme te voorsien ✓✓
- Besighede mag bevolkingsyfers gebruik om die beskikbaarheid van arbeid vir produksieprosesse na te gaan ✓✓
- Die grootte van die bevolking kan besighede help om die grootte van hul markte te bepaal ✓✓

(Aanvaar enige ander korrekte relevante antwoord)

(4)

#### 4.4 **Bespreek ruimtelike ontwikkelingsinisiatiewe (ROI) as Suid-Afrika se strewes (pogings) in streeksontwikkeling.**

- Ruimtelike Ontwikkelingsinisiatiewe kan gedefinieer word as 'n skakel tussen belangrike ekonomiese spilpunte en streke in 'n land ✓✓
- ROIs bevorder volhoubare nywerheidsontwikkeling in gebiede waar armoede en werkloosheid op sy hoogste is ✓✓
- Die bedoeling van die owerheid was om die ROIs te laat groei hoofsaaklik deur privaatsektor beleggings deur die toekenning (toestaan) van aansporings ✓✓
- ROIs bevorder die vestiging van Publieke- Private Vennootskappe (PPV) om die ekonomiese potensiaal van onderontwikkelende gebiede te verhoog ✓✓
- In 'n PPV mag 'n private besigheid die kapitaal verskaf om die fabriek te bou, om grondstowwe te koop en arbeid in diens te neem verskaf, terwyl die owerheid kapitaal vir die infrastruktuur voorsien ✓✓ bv. paaie en water ✓
- Die ROI behels 'n interdepartementele beleggingstrategie wat die Departement van Handel, Nywerheid en Mededinging (DHNM) en die Departement van Vervoer lei ✓✓
- ROIs fokus op hoë-vlakke ondersteuning in gebiede waar sosio-ekonomiese omstandighede gekonsentreerde owerheidsondersteuning vereis en inherente ekonomiese potensiaal besta ✓✓
- ROIs lok privaatsektor en buitelandse direkte investering en maksimaliseer samewerking tussen verskeie tipes van belegging ✓✓
- Finansiële aansporings om ROIs te bevorder sluit in belastingvrye aansporings, Klein en Medium Ondernemingsontwikkeling, Vaardigheidsondersteuningsprogram, Kritiese infrastruktuurprogram en Buitelandse investeringstoelae ✓✓
- Die owerheid ontwikkel fisiese infrastruktuur soos paaie en hawens, en finansier dit met lenings en privaatsektorbeleggings ✓✓
- Ekonomiese aktiwiteite in onderontwikkelende gebiede word gestimuleer en sodoende ekonomiese groei en ontwikkeling te bevorde ✓✓



- Ruimtelike ontwikkelingsinisiatiewe (ROIs) verseker vinnige beplanning en ontwikkeling ✓✓
- ROIs herstruktureer die uitwerking van die Apartheid-ekonomie deur die ontwikkeling van voorheen onderontwikkelende gebied ✓✓
- Voorbeelde van ROIs in Suid-Afrika sluit in KwaZulu-Natal SDI, Wildekus ROI, Visrivier ROI, Weskus investeringsinisiatief, Platinum ROI, Phalaborwa ROI, Gauteng Spesiale Ekonomiese Sone, Lubombo ROI, Richards Bay Inisiatief ✓

(Aanvaar enige ander korrekte relevante antwoord) (4 x 2)

**('n Maksimum van 4 punte mag vir blote opnoem van feite/voorbeelde toegeken word)**

(8)

#### 4.5 **Ontleed die verhouding tussen die finansiële sektor en ander deelnemers in die ekonomiesekringloop-model.**

- Finansiële sektor sluit in banke en ander finansiële instansies wat leen aan die ander deelnemers op die ekonomiese kringloopmodel ✓✓
- Finansiële instellings tree as tussenpersone op tussen die huishoudings wat geld wil spaar en besighede wat geld wil leen om hul beleggings te finansier ✓✓
- Handelsbanke aanvaar deposito's van geld van huishoudings as besparing en betaal rente op die besparings ✓✓
- Die finansiële sektor leen geld in die vorm van lenings aan produsente wat hul werksaamhede moet uitbrei ✓✓ byvoorbeeld koop meet grond en geboue of masjinerie en toerusting ✓
- Huishoudings mag geld leen van finansiële instellings om goedere en dienste te koop soos huise en voertuie ✓✓
- Die finansiële sektor maak wins van die verskil tussen die rentekoers betaal aan deponeerders en dit wat gevra word van leners ✓✓
- Finansiële instellings mag as aandelamakelaar optree deur huishoudings te help wie hulp mag benodig om hul surplusfondse te belê ✓✓ byvoorbeeld koop aandele op die Johannesburgse Sekuriteitbeurs (JSE) ✓
- Kommersiële banke fasiliteer die ruil van verskillende geldeenhede wat ander deelnemers toelaat om betaling vir hul invoere te maak ✓✓
- Finansiële markte koördineer die vraag vir en aanbod van buitelandse valuta om die verskillende wisselkoerse te bepaal ✓✓
- Staatsinstellings soos staatsbeheerde ondernemings en plaaslike munisipaliteite mag hul surplusfonds by die finansiële instellings spaar of belê ✓✓
- Die regering kan fondse by verskillende finansiële instellings leen om die bestedingsbehoefte te dek ✓✓
- Finansiële instellings soos handelsbanke en versekeringsmaatskappye betaal belasting aan die regering uit die inkomste wat hulle genereer ✓✓

(Aanvaar enige ander korrekte relevante antwoord) (4 x 2)

**('n Maksimum van 2 punte mag vir blote opnoem van feite/voorbeelde toegeken word)**

(8)

[40]

**TOTAAL AFDELING B: 80**

**AFDELING C**

Beantwoord enige EEN van die twee vrae in hierdie afdeling in die ANTWOORDEBOEK.

**VRAAG 5: MAKRO-EKONOMIE****40 PUNTE – 40 MINUTE**

- **Bespreek in detail die vernaamste doelwitte van die openbare sektor in die ekonomie.** (26 punte)
- **Evalueer die impak van privatisering van staatsbeheerde ondernemings (parastatale) op die Suid-Afrikaanse ekonomie.** (10 punte)

**INLEIDING**

Openbare sektor is die deel van die ekonomie wat deel uitmaak van alle entiteite wat besit en beheer word deur die owerheid/Makro-ekonomiese doelwitte is die doelwitte en teikens wat die openbare sektor wil bereik vir die hele ekonomie✓✓

(Aanvaar enige ander korrekte relevante inleiding)

**(Maks. 2)****LIGGAAM: HOOFDEEL****1. EKONOMIESE GROEI ✓**

- Ekonomiese groei is die toename in die produksie van goedere en dienste deur die ekonomie / Ekonomiese groei is die toename in die vermoë van die ekonomie om meer goedere en dienste te produseer ✓✓
- Dit word gemeet in terme van 'n toename in die reële bruto binnelandse produk (BBP) ✓✓
- Ekonomiese ontwikkeling gebeur wanneer die ekonomiese groeikoers hoër is as die bevolkingsgroeikoers ✓✓
- Hoë ekonomiese groeikoers beteken daar sal minder mense wees wat van die staat afhanklik is om hul basiese behoeftes te bevredig / Vir ekonomiese ontwikkeling om plaas te vind, moet ekonomiese groeikoers die bevolkingsgroeikoers oorskry ✓✓
- Die staat probeer verseker dat daar konstant ekonomiese groei is want dit lei tot 'n verbetering in die lewenstandaard. ✓✓
- In Suid-Afrika, was ekonomiese groei uiters laag as gevolg van faktore soos natuurlike rampe, kragonderbrekings en tekort aan investering ✓✓

**2. VOLLE INDIENSNEMING ✓**

- Die mikpunt van die owerheid is om te verseker dat alle mense wie gewillig is om te werk en werk soek, sal werk vind of werk kan skep vir hulself ✓✓
- Informele sektor aktiwiteite moet bevorder word want hulle het die potensiaal om indiensneming te verhoog
- GEAR was geïmplementeer om 'n positiewe klimaat te skep wat bevorderlik was tot werkskepping deur die privaatsektor ✓✓
- Die owerheid bespoedig werkskepping deur direkte indiensnemingskemas, geteikende subsidies en uitgebreide makro-ekonomiese beleide ✓✓
- Arbeidsintensiewe aktiwiteite in die landbou en ligte vervaardigingsektore word ook gebruik om indiensneming te skep ✓✓
- Die staat ondersteun ook kennisintensiewe en kapitaalintensiewe-sektore om mededingend te bly ✓✓
- In Suid-Afrika, het werkloosheidskoers toegeneem oor die afgelope paar jare as gevolg van die effek van Covid-19 pandemie ✓✓

**3. WISSELKOERSSTABILITEIT/BETALINGSBALANS EWEWIG ✓**

- Wisselkoersstabiliteit ontstaan wanneer die wisselkoers stabiel bly om onsekerheid in die buitelandse handel te verminder✓✓
- Depresiasie en appresiasie van 'n geldeenheid veroorsaak onsekerheid vir beleggers, produsente en handelaars✓✓
- Onbestendige wisselkoers veroorsaak dat die prys van invoere en uitvoere wisselvallig is wat Betalingbalans disekwilibrium kan veroorsaak✓✓
- Wisselkoersstabiliteit help om die inflasiekoers te beheer en bereik hoër ekonomiese groei✓✓
- Owerhede gebruik hul monetêre en fiskale beleid om te verseker dat die wisselkoers relatief stabiel bly vir as lank as moontlik✓✓
- Die Suid-Afrikaanse Reserwebank het die beheerde swewende wisselkoers vervang met 'n vryswewende wisselkoersstelsel om geldeenhede spekulasie in die mark te verminder✓✓
- In Suid-Afrika, het die rand gedeprimeer as gevolg van faktore soos verminderde uitvoere en die negatiewe sentiment rakende die ekonomie✓✓

**4. PRYSSTABILITEIT ✓**

- Prysstabiliteit ontstaan wanneer die algemene prys van goedere en dienste relatief konstant bly oor tyd✓✓
- Wanneer pryse stabiel en inflasie laag is, kan markte optimaal funksioneer en die owerheid kan ekonomiese groei en ontwikkeling meer doeltreffend bevorder✓✓
- In Suid-Afrika beteken relatiewe prysstabiliteit dat die inflasiekoers binne die inflasieteikens van 3-6% bly✓✓
- Rentekoerse, gebaseer op die repokoers is die hoofinstrument om prysstabiliteit te bereik.✓✓
- As inflasie die boonste perk van die verspreiding oorskry, moet die Reserwebank oorweeg om die rentekoerse te verhoog om die oorverhitte ekonomie te laat afkoel✓✓
- 'n Stabiele begrotingstekort het ook 'n stabiliserende effek op prysstabiliteit✓✓
- Inflasieteikening help om 'n groter graad van deursigtigheid in monetêre beleid te skep✓✓
- In Suid-Afrika, is inflasiekoers hoog as gevolg van faktore soos stygende brandstof en voedselpryse✓✓

**5. EKONOMIESE GELYKHEID / GELYKE VERSPREIDING VAN INKOMSTE / EKONOMIESE GEREGTIGHEID**

- Ekonomiese gelykheid bestaan wanneer die hulpbronne van 'n land regverdig onder die bevolking verdeel is ✓✓
- 'n Herverdeling van inkomste en rykdom is noodsaaklik in markeconomieë ✓✓
- Die owerheid moet ingryp want daar is dele van die samelewing wat 'n groot bedrag geld verdien terwyl ander baie min verdien ✓✓
- Suid-Afrika gebruik 'n progressiewe inkomstebelastingstelsel waar hoër inkomsteverdieners hoër belastingkoerse betaal as laerinkomsteverdieners ✓✓
- Belasting op winste, rykdom en uitgawes kan gebruik word om gratis maatskaplike dienste vir die arm huishoudings te finansier ✓✓
- Gratis basiese onderwys, gratis basiese gesondheidsorg, basiese ekonomiese dienste en kontanttoelaes aan die armes en ander kwesbare mense, sal ekonomiese gelykheid bevorder ✓✓
- Die regering probeer ook vergoed vir die menseregteskendings van die verlede deur regstellingsbeleide soos diensbillikheid en swart ekonomiese bemagtiging te implementeer armes en ander kwesbare mense, sal ekonomiese gelykheid verhoog ✓✓
- Die owerhede probeer ook om te vergoed vir die menslike regte misbruik van die verlede deur regstellende beleide te implementeer soos gelyke indiensneming en swart ekonomiese bemagtiging ✓✓

(Aanvaar enige ander korrekte relevante antwoord)

**(Ken 'n maksimum van 8 punte toe vir opskrifte/subopskrifte/voorbeelde)** **(Maks. 26)**

**ADDISIONELE DEEL****Privatisering van Staatsbeheerde ondernemings (parastatale) impak positief die Suid-Afrikaanse ekonomie as volg:**

- Doeltreffendheid in dienslewering sal verbeter soos privaat besit besighede beter kwaliteit dienste verskaf as gevolg van die winsmotief✓✓
- Die owerheid mag ekstra inkomste verhoog van die verkope van staatsbates wat sal help om strategiese openbare projekte te finansier soos infrastruktuur ontwikkeling✓✓
- Die belastingbasis sal vergroot wat die owerheid sal toelaat om meer belastinginkomste te werf om ander sosio-ekonomiese kwessies aan te spreek✓✓
- Fiskale las in terme van finansiële reddingsaksies sal verminder wat sal help om staatskuld te laat afneem✓✓
- Die owerheid se finansiële posisie sal verbeter as gevolg van die afname in administratiewe en ander bedryfskoste soos lone en salarisse✓✓
- Ontwikkelingsdoelwitte soos ekonomiese bemagtiging mag bevorder word as gevolg van 'n toename in die aantal individue wat produksiefaktore besit✓✓
- Privatisering mag buitelandse direkte investering lok wat kapitaalinvloei skep daardeur Betalingsbalans verbeter ✓✓

**Privatisering van Staatsbeheerde ondernemings (parastatale) impak negatief die Suid-Afrikaanse ekonomie as volg:**

- Goedere en dienste sal duurder raak as gevolg van winsmotief en tekort aan openbare belang in die privaat sektor✓✓
- Verbruikers mag hoër pryse betaal vir noodsaaklike dienste wat die lewenskoste verhoog✓✓
- Ander besighede mag hoër produksiekoste aangaan en meer betaal vir sleutel-insetdienste wat tot kostedrukinflasie mag bydra✓✓
- Privatisering mag werkloosheid verhoog deur te skuif na minder arbeidsintensiewe produksie✓✓
- Privatisering van staatsbeheerde ondernemings soos Eskom mag lei tot die skepping van monopolies wat verbruikers mag uitbuit✓✓

(Aanvaar enige ander korrekte relevante antwoord)

**(Maks. 10)**

**(Ken 'n maksimum van 2 punte toe vir opskrifte/subopskrifte/voorbeelde)**

**SLOT**

Dit is baie belangrik dat die staat sy funksionering van tyd tot tyd verbeter om die ekonomiese onstabiele te vermy om so verlangde ontwikkeling te weeg te bring. ✓✓

(Aanvaar enige ander relevante hoër-orde slot)

**(Maks. 2)**

**[40]**

**VRAAG 6: EKONOMIESE STREWES****40 PUNTE – 40 MINUTE**

- **Bespreek in detail uitvoerbevoordering as Suid-Afrika se internasionale handelsbeleid.** (26 punte)
- **Hoe kan Suid-Afrika bevoordeel word deur deel te wees van die verskeie handelsprotokolle soos Suider-Afrikaanse Ontwikkelingsgemeenskap (SAOG)?** (10 punte)

**INLEIDING**

Uitvoerbevoordering behels die voorsiening van aansporings om plaaslike besighede aan te moedig om goedere vir uitvoere te produseer/Wanneer die owerheid aansporings betaal om produksie van goedere en dienste aan te moedig wat uitvoer kan word ✓✓

(Aanvaar enige ander korrekte relevante inleiding)

**(Maks. 2)****HOOFDEEL****Metodes van uitvoerbevoordering****(a) Uitvoeraansporings ✓**

- Die doel van uitvoeraansporings is om uitvoere aan te moedig deur finansiële ondersteuning aan uitvoermaatskappye te verskaf ✓✓
- Finansiële ondersteuning aan uitvoerbesighede stel hulle in staat om doeltreffend op internasionale markte mee te ding sodat hulle groter volumes kan uitvoer ✓✓
- Die owerheid mag inligting oor uitvoermarkte verskaf, navorsing oor nuwe markte, konsessies op vervoerkoste aanbied, uitvoerkrediet, ens. om uitvoere te stimuleer ✓✓

**(b) Uitvoersubsidies ✓****Direkte subsidies**

- Direkte subsidies het owerheidsbesteding tot gevolg want hulle verskaf direkte finansiële ondersteuning aan plaaslike uitvoerders ✓✓
- Direkte subsidies is kontantbetalings soos kontanttoelae aan uitvoertoonstellings en marknavorsing en subsidies vir opleiding en indiensnemende personeel ✓✓
- Die doel van direkte subsidies is om die produksiekoste te verminder en mededingendheid in die uitvoermarkte te verhoog ✓✓

**Indirekte subsidies**

- Indirekte subsidies ontstaan wanneer die owerheid nie sekere tipes van inkomste verdien nie ✓✓ bv. belasting ✓
- Die owerheid betaal dikwels maatskappye terug sekere belasting om uitvoere aan te moedig ✓✓
- Indirekte subsidies mag terugbetalings op invoertariewe insluit en algemene belastingkorting op winste verdien van uitvoere of op kapitaal belê om uitvoergoedere te produseer

**(c) Handelsneutraliteit ✓**

- Die owerheid mag subsidies voorsien wat gelyk is aan invoertariewe betaal deur uitvoerders wanneer produksieinsette ingevoer word ✓✓
- Handelsneutraliteit kan bereik word deur handelsliberalisering. ✓✓

**(d) Uitvoerverwerkingsones (UVS'e) ✓**

- Uitvoerverwerkingsones (UVS) is 'n vryhandelenklawe binne 'n beskermende ekonomie en is gewoonlik naby 'n hawe of lughawe ✓✓
- Vervaardigers is gevestig in 'n UVS om vir uitvoerdoeleindes te produseer, deur van invoergevoerde insette te gebruik wat gratis van alle doeaneregte verkry word ✓✓
- Ontwikkelende lande bied aantrekklike aansporings om buitelandse beleggers na hul UVS'e te lok ✓✓

**Redes/Voordele van uitvoerbevordering:**

- Daar is geen beperkings op die grootte en skaal nie, aangesien die wêreldmarkte groter is as die plaaslike mark ✓✓
- Produksie is gebaseer op koste en doeltreffendheid-oorwegings en word op grond van vergelykende voordele georganiseer ✓✓
- Daar is 'n toename in plaaslike produksie deur die uitbreiding van uitvoerbevordering wat tot laer plaaslike pryse sal lei ✓✓
- Wisselkoerse is meer realisties en daar is geen behoefte aan valutabeheer en kwantitatiewe beperkings nie ✓✓
- Waarde kan toegevoeg word aan die natuurlike hulpbronne van die land deur hulle te verwerk in voltooide produkte met hoër waarde ✓✓
- Uitvoerbevordering bevorder meer werksgeleenthede vir die Suid-Afrikaanse arbeidsmag ✓✓
- Verhoging in uitvoere mag help om die Betalingsbalanstekorte te verminder ✓✓
- Uitvoerbevordering vergroot die produktiewe kapasiteit van die land en bevorder nywerheidsontwikkeling ✓✓
- Prestasie van vervaardiging en diensbedrywe en internasionale mededingendheid van Suid-Afrika se produsente sal verbeter ✓✓
- Uitvoerbevordering verseker doeltreffende gebruik van hulpbronne deur verbeterde innovasies en mededinging ✓✓

**Nadele van uitvoerbevordering**

- Die reële produksiekoste word nie weerspieël in die prys van die produkte nie omdat subsidies en aansporings die totale produksiekoste mag verminder ✓✓
- Daar mag 'n gebrek aan mededinging wees as gevolg van aansporings en subsidies wat uitvoerbedrywe toelaat om baie lae pryse te hef, dwing mededingers wie volhoubare besighede op te rig skep uit die mark ✓✓
- Oorsese lande mag weerwraak neem met tariewe en kwotas as soortgelyke goedere plaaslik onder hul werklike produksiekoste verkoop word ✓✓
- Ontwikkelde lande handhaaf dikwels hoë vlakke van effektiewe beskerming van hul arbeidsintensiewe nywerhede, waar ontwikkelende lande alreeds 'n vergelykende voordeel geniet ✓✓
- Onttrekking van aansporings deur die owerheid mag lei tot die sluiting van geaffekteerde maatskappye ✓✓
- Uitvoerbevordering kan as storting gesien word deur ander lande en hulle mag weerwraak neem met verhoogde tariewe en kwotas ✓✓

- Uitvoerbevordering mag ook teen die voorsiening van die Wêreldhandelsorganisasie wees, wanneer goedere teen pryse laer as die werklike produksiekoste uitvoer word as gevolg van subsidies✓✓  
(Aanvaar enige ander korrekte relevante antwoord) **(Maks. 26)**  
**(Ken 'n maksimum van 8 punte toe vir opskrifte/subopskrifte/voorbeelde)**

## ADDISIONELE DEEL

### Suid-Afrika (SA) kan as volg bevoordeel word van verskeie handelsprotokolle soos Suider-Afrikaanse Ontwikkelingsgemeenskap (SAOG):

- In terme van die SAOG protokol, bykans 97% van invoere van SAOG kwalifiseer vir belastingvrye toegang tot Suid-Afrika wat plaaslike besighede toelaat om ingevoerde goedere van SAOG lande teen laer pryse in te voer✓✓
- Die Suid-Afrikaanse rand word aanvaar as 'n wettige tender in meeste van die Multilaterale Monetêre Gebied (MMG) lande soos Swaziland, Lesotho en Namibië wat dit maklik maak vir plaaslike verbruikers om betalings in hierdie lande te maak✓✓
- Die Europese Unie (EU) vryhandelsooreenkomste met Suid-Afrika behels die afskaf van tariewe van 95% van die EU se invoere van Suid-Afrika wat SA produsente in staat stel om goedere na Europese lande uit te voer sonder handelsbeperkinge✓✓
- Suid-Afrika kan meer doeltreffende produksietegniese invoer van Europese lande sonder beperkinge✓✓ bv. gevorderde masjinerie en toerusting✓
- Suid-Afrika is in 'n beter posisie om direkte investering van die BRICS en Europese lande te lok, uitbreiding van die belastingbasis vir die owerheid✓✓
- Direkte beleggings van ontwikkelde lande sal meer werksgeleenthede in Suid-Afrika skep, wat ekonomiese groei stimuleer
- Internasionale verhouding tussen Suid-Afrika en ander lande mag verbeter, met Suid-Afrika wat 'n beter kan staan om sleutelposisies in internasionale organisasies soos IMF en Wêreldbank te betrek✓✓
- Suid-Afrika het 'n voorkeurhandelsooreenkoms (VHO) met Mercusor geteken wat hul handelsverhouding verbeter het met lande soos Brasilië, Argentinië en Uruguay
- Die BRICS alliansie help Suid-Afrika om voordeel te trek van die gemeenskaplike handel investering geleentheid tussen die lede van die konsortium✓✓
- Die verbintenis met BRICS help Suid-Afrika om inklusiewe ekonomiese groei te bereik ten einde armoede uit te wis✓✓
- Handel tussen Suid-Afrika en die Verenigde State het aansienlik verbeter as gevolg van die Wet op Groei en Geleentheid in Afrika (AGOA) wat geen invoerregte op sekere SA uitvoere na VSA toelaat nie✓✓
- Suid-Afrikaanse produkte sal meer mededingend op wêreldmarkte raak omdat die verwydering van tariewe dit meer bekostigbaar maak✓✓
- Uitvoervolumes sal toeneem as vraag vir Suid-Afrikaanse uitvoere vermeerder, en verbeter die handelsbalans✓✓
- Suid-Afrikaanse vervaardigers sal produksieinsette invoer, soos ruolie, motorparte, masjinerie en toerusting teen 'n laer koste, dit stimuleer plaaslike produksie✓✓  
(Aanvaar enige ander korrekte relevante antwoord) **(Maks. 10)**  
**(Ken 'n maksimum van 2 punte toe vir opskrifte/subopskrifte/voorbeelde)**



**SLOT**

Uitvoerbevordering mag die ekonomie help om 'n noemenswaardige uitvoergeleide  
ekonomiese groei te bereik deur massaproduksie. ✓✓

(Aanvaar enige ander relevante hoër-orde slot)

**(Maks. 2)**

**[40]**

**TOTAAL AFDELING C:**

**40**

**GROOTTOTAAL:**

**150**